

新刊國朝二百家名賢文粹

新刊 國朝二百家名賢文粹卷第一百七十三

序

名序序一

章望之字序

六一居士

校書郎章君望以其名望之來請序曰願有所教使得以勉焉而自勵者予爲之字曰表民而告之曰古之君子所以異乎衆人者言出而爲民信事行而爲世法其動作容貌皆可以表於民也故紘紆冕弁以爲首容佩玉玕環以爲行容衣裳黼黻以爲身容手有圭有璧有足容揖讓登降獻酬俯仰莫不有容又見其寬柔溫厚剛嚴果毅之色以爲仁義之容服其服載其重立乎朝廷而止君臣出入宗廟而臨大事儼然人皆望而畏之曰此吾民之所尊也非民之知尊君子而君子者能自修而尊者也然而行大克于內德不被於人雖成其服文其容民不尊也名山大川一方之望也山川之嶽瀆天下之望也故君子賢

於一鄉者一鄉之望也功德被子後世者方世之望也孝慈友  
悌達于一鄉古所謂鄉先生者一鄉之望也春秋之賢大夫若  
隨之季良鄭之子產者一國之望也位于中而蔽臣賊子不敢  
切發于外如漢之大將軍出入將相朝廷以爲輕重天下系其  
安危如唐之裴丞相者天下之望也其人已沒其事已久聞其  
名想其人若不可及者墓龍襖契其也其功可以及百世其道  
可以師百王雖有賢聖莫敢過之也周孔是也此方世之望而  
皆所以爲民之表也傳曰其在賢者識其大者遠者章君儒其  
衣冠氣剛色仁好善而有志其索然修乎其外而輝然充乎其  
內以該乎文辭則又辯博放肆而無涯是數者皆可以自擇而  
勉焉者也是故能識夫遠者大者矣雖予何以勗焉弟因其志  
廣其說以塞請

盧君字序

趙郎中

古之人有所志且戒或寓文銘器以自謹有時而泯也豈匿名

在己稱於口而終身焉名不徒立其見君子之志善哉廬君之名正臣也其志於忠者歟然正之施不一有諫諍之正焉有論議之正焉有容色之正焉有進退之正焉諫諍之正過中則好亢論議之正過中則傷泥容色之正過中則太剛進退之正過中則近僻若是正不得中之助亦不足云也故名既定朋友之間又爲字以稱道使聞而知所表焉予於廬君則友也字君子職請字曰中甫君方屈才佐一邑它日立朝廷事人主使人稱之曰廬某正人也則君之名不虛命又曰正而且得中則予之字不虛表中甫其勉之皇祐三年正月十二日餘杭強某序

樂宗顏字序

蒲左丞

聖人之道有以一言而可尽者中而已矣六經之書皆中之說也求合於聖人必歸於中中之道如人之立焉立於東西方爲遠其近者東也立於南北方爲遠其近者南也求其均而四方无少差者合於中爲至焉中之道不遠於人然而人常遠之中

之用不難其幸然而人常難之非中之難也人不勝其力也情  
而慾汨之也人莫不飲食也鮮能知味也人莫不知中庸之可  
蹈也鮮能行於世也甚哉此道之重也昔者孔子之門人爲多  
其能事而用者獨聞有顏氏而已顏氏之於中庸非自得而自  
誠也好李而後至博求而後明得一善而拳拳服膺使其不失  
且死以至六七十則聖人安有不幸之嘆哉顏子之好李不惟  
口誦臆記而得之蓋亦充之於心復之於性好之而不厭樂之  
而不倦知之而不忘行之而不息如是焉而已矣及其父也怒  
而不迁於人過而不貳於心望聖人若不甚遠遠故孔子在易  
之繫獨推其德以當復之說以爲顏氏之子其殆庶幾則不及  
顏子者何上於夏之徒也游夏之徒日月至焉而已矣求其博  
深反渾肆而不失固而得其源安而由其塗喜怒哀死生一平于  
心而元所動焉者皆若不可易騷顏氏一二將仕即亦君名宗  
顏舊字八哲屬予以更之予字之曰幾復又擴其餘以告之而

爲之言曰顏氏之卒皆復而得之者也子能宗乎顏氏子矣又  
能子顏氏子幾而復之則吾道不待顏而皆可進焉道進於內  
而不自改性充於情而不自迂誠之於心而不自惑移之於事  
而不自亂子爲君子儻矣不改則不惑不遷則不乱不乱不惑  
若性與道兩立而充之也果能此道矣雖不必強雖愚必明况  
樂君之時然者乎

陳司理李序

李直講

豫章陳君名世南南方之卦離離者明也字之曰公明明之義  
廣矣哉其在天也爲日爲月爲星爲晝爲暘在水爲止在火爲  
燎在金爲鑑其在人也爲視爲思爲智爲文爲見爲善焉知過  
焉應變焉待時事親明則孝事君明則忠治事明則茲無所容  
聽言明則讒無所入臨財明則資不失廉臨難明則死不失義  
凡天下之事未有不須明以濟者也然而聖人約之以道曰蒙  
以養正明夷以佐衆貴乎明於內而晦於外也陳君公相子孫

元守家... 正火大無悶斯有得於明者矣故叙以生呈  
和二年十二月戊子時江李觀序

薛直字序

章寺丞

薛子名直其友字之曰通叔請予序之爲言其理曰名字之在人久矣爰以言則非君子所以愛人因而箴之庶乎成人之善也宜者聖人之大方也通者聖人之大用也宜故人道不差通故人情不失以通字宜可謂有意於子矣薛子好學其身自謂我無過者居於鄉黨接於朋類居必曰孰有過孰有惡人之憚之者不謂其責人詳而以爲有口也是則薛子之以召之哉將引之文道使自擇而用爲人之見聞動作常不遺要其大貴不離乎道則同爲君子矣然而有所蔽者才不及然也故君子以道期人而不以道察人也詩曰就其深矣方之舟之就其淺矣泳之游之君子有善善惡惡之心而不顯乎善善惡惡之言使中人革其過中人革其非然後能成功立乎朝廷量加乎衆

人幸而無嫌行乎閭里德加乎衆民幸而無怨是故仁在於一  
身而被乎天下者此也詩曰式訛爾心以畜万邦道欲大情欲  
恕取人欲博詩曰求我庶士迨其吉兮人固有今雖有過而昔  
常有善矣謂斯人不善乎然善於彼人矣故君子不以一事任  
人亦不以一事弃人也賞罰在我以寬容人貪者猶叛惡者在  
我以遜治人非者猶遂是以事在我則欲忘人之惡而寬於天  
下事在人則欲檢其惡而收天下之善焉德由是大功由是久  
書曰與人不求備檢身若不及小人處心用知動而爲惡治之  
不變斯亦舍之矣必將窮治小人斯基乎乱矣是故君子內欲  
潔諸已外欲和諸人小人終日在其旁而吾與沒無加損焉其  
所以相形者蓋的然也詩曰涇以渭濁湜湜其止君子有成人  
之道而不有成人之功所以厚風俗也是故不矜能而能已著  
不大已而已已尊無間遠近之民間其風莫不惕然而起由吾  
身修而物化也詩曰君子有微猷小人與屬善爲已吾喜恣有



動靜有裕處乎微賤崇高而無不可終身者有執而已矣居  
人上無忘於爲下居人長無忘於爲幼居安佚無忘於患難斯  
可謂有常者有常可謂善爲已矣書曰惟尹躬暨咸有一德君  
子慮而後言言而後行是故一言而天下服詩曰無易由言無  
曰苟矣莫爾朕舌言不可逝矣制人之道以仁處身以義處人  
人倫於我立朋友於我成故舊於我篤行乎天下猶一家知其  
不可狎者吾嘗親之也知其不可忘者吾常疏之也是故無行  
而不可得也詩曰在彼無惡在此無射薛子行之

鄭叔熊字序

同前

鳥獸與人雜生於世鳥獸之形有頭足羽毛之異吾人者因其  
形之一類槩以其物稱之人之形同莫可辨者古之人以名名  
人出其祖父之命以爲識別後之人因名配字以義類相待非  
謂有勸沮之殊欲其人行其名字也故有因義以配物有因  
物以配義有因名之文擅益蔽顯而字乃反之有因名之物

以其實配之是以因義以配物如耕之於伯牛由之於子路  
物以配義如赤之於華師之於子張字友名如賜之於子貢  
之於子游物配實如長之於子長予之於子我是其意也今之  
人不究本初以意起事或謂此名也宜充之以是道彼字也宜  
行之以終身雖失古人之心猶未離正告人以善也然而以名  
字自守於吾道之門固已狹矣鄭子名叔熊其友字以正父子  
不安其說也命字爲言其理以易之天君季於古人聞深而見  
博又以行自潛不待正父之字然後勸也請字之日野夫以附  
於因物以配義者如曰不以質哉爲賦白駒之卒章生芻一束  
其人如王其人如王去者謂其來非外也

仲兄字文甫說

老泉先生

洵讀易至渙之六四曰渙其群元吉曰嗟夫羣者聖人所欲渙  
以混一天下者也蓋余仲兄名渙而字公群則是以聖人之所  
欲解散飛蕩者以自命也而可乎他日以告兄曰子可爲我

易之洵曰唯既而曰請以文甫易之如何且兄嘗見夫水之與風乎油然而行淵然而留潄潄汪洋瀾瀾而下浮者是水也而風實起之蓬蓬然而鼓乎天空不終日而行四方蕩乎其無形飄乎其遠來既往而不知其迹之所存者是風也而水實形之今天風水之相遭乎大澤之陂也紆餘委蛇蜿蜒淪連空而相推怒而相凌舒而如雲壓而如鱗疾而如馳徐而如徊揖讓旋辟相顧而不前其勢如穀其亂如霧紛紛然齟齬攫百量若一泊乎順流至于滄海之濱磅礴涵涌號怒相軋交橫網繆放乎空虛掉乎无垠橫流逆折潰旋傾側宛轉膠洑固者如輪旋者如帶直者如燧奔者如猱跳者如鷲投者如鯉殊狀異態而風水之極觀備矣故曰風行水上渙此亦天下之至文也然而此二物者豈有求乎文哉無意乎相求不期而相遭而文生焉是其為文也非水之文也非風之文也二物者非能為文而不能不為文也物之相使而文出於其間也故此天下之至文也今夫王非不遇

然美矣而不得以爲文刻鏤組綉非不文矣而不可與論乎自然故夫天下之無營而文生之者唯水與風而已昔者君子之處於世不求有功不得已而功成則天下以爲賢不求有言不得已而言出則天下以爲口實嗚乎此不可與他人道之唯吾兄可也

名三子說

同前

輪輻蓋軫皆有職乎車而軾獨若無所爲者雖然去軾則吾未見其爲完車也軾乎吾懼汝之不外飾也天下之車莫不由軾而三軍之功者軾不與焉雖然車仆馬斃而惠亦不及軾是軾者蓋處乎禍福之間也軾乎吾知免矣

文與可字說

東坡先生

鄉人皆好之何如曰未可也鄉人皆惡之何如曰未可也不如鄉人之善者好之其不善者惡之善者好之不善者惡之足以爲君子乎曰未也孔子爲問者言也以爲賢於所問者而已君

子之居鄉也善者以勸不善者以恥夫何惡之有君子不惡人亦不惡於人子夏之於人也可者与之其不可者拒之子張曰君子尊賢而容衆嘉善而矜不能我之大賢哉於人何所不容我之不賢哉人將拒我如之何其拒人也子張之意豈不曰與其可者而不可者自遠乎便不可者而果遠也則其爲拒也甚矣而子張何惡於拒也曰惡其有意於拒也夫苟有意於拒則天下相率而去之吾誰与居然則孔子之於孺悲也非拒哉曰孔子以不屑教誨者也非拒也夫苟無意於拒則可者與之雖孔子子張皆然吾友文君名同字與可或曰爲子夏者歟曰非也取其與不取其拒爲子張者也與可之爲人也守道而忘勢行義而忘利循德而忘名與爲不義雖祿之千乘不顧也雖然未嘗有惡於人人亦莫之惡也故曰與可爲子張者也

楊薦字說

同前

揚君以其所名薦請字於余余字之尊已而告之曰

佩玉而服較戴冕而垂旒一獻之禮賓主百拜俯僂而後食者  
所爲飲食者爲飽也所爲衣服者爲暖也若直曰飽暖而已則  
夫古之君子其無乃爲紛紛而無益迂闊而過當邪蓋君子小  
人之分於足与不足之間若是足以已矣而必爲之節之故  
其所以養其身者甚周而其所以自居者甚高而可畏凜乎其  
若處女之在閨也兢兢乎其若懷千金之璧而行也夫是以不  
仁者不敢至於其牆不義者不敢過乎其門惟其所爲者止於足  
以已矣之間則人亦抑之而輕加之以不義由此觀之凡世之  
所謂紛紛而無益迂闊而過當者皆君子之所以自尊也易曰  
藉用白茅無咎孔子曰苟錯諸地而可矣藉之用茅何咎之有  
地非不足錯也而必茅之爲藉是君子之過以自尊也子欲揚  
君之過以自尊故因其名薦而取諸易以爲之字揚君有俊才  
聰明果敢有過於人而余獨憂其所以自愛重者不至而已矣

張厚之忠甫書說

同前

張厚之忠甫樂全先生子也。美才而好學，信道而篤。先生名之曰恕，而其客蘇軾子瞻和仲推先生之意，字之曰厚之。又曰忠甫。且告之曰：事有近而用遠，言有約而義博者。渴必飲，飢必食，食必五穀，飲必水。此夫婦之愚所共知，而聖人之智所不能易也。一言而可以終身行之者，恕也。仁者得之，而後仁智者得之，而後智施於君臣父子夫婦朋友之間，無所適而不可。是飢渴飲食之道也。故曾子曰：夫子之道忠恕而已矣。而孔子亦曰：如有周公之才之美，使驕且吝，其餘不足觀也已矣。夫驕且吝，豈非不恕而已乎？人而能恕也，雖孔子可庶幾入而不能恕，雖周公不足觀也。先生之所以遺子者至矣。吾不能加毫末於此矣。然而曾子謂之忠恕，詩人謂之忠厚，以吾觀之，忠與恕與厚，是三言者聖人之所謂一道也。或謂之穀，或謂之米，或謂之飯，此豈二物也哉？然謂穀米謂米，飯則不可。故吾願子貫三言而并佩之，將有為也。將有言也，必反而求之曰：吾未恕乎？未厚乎？未忠乎？

乎自反而怨矣厚矣忠矣然後從之此孔子曾子詩人之意也  
先生之意也

趙德麟字說

同前

宋有天下百餘年所与分天工治民事者皆取之陳陳側微而  
不私其親故宗室之賢未有以勲名聞者神宗皇帝實始慨  
然欲出其英材與天下共之增立教養選舉之法所以封植而  
琢磨之者甚備行之二十年而文武之器彬彬稍見焉元祐六  
年予自禁林出守汝南始與越三之孫華元公之子發書君令  
時遊得其為人博學子而入篤行而剛信於爲道而敏於爲政予  
以爲有杞梓之用瑚璉之貴將必顯聞於天下非特佳公子而  
已昔漢武帝幸雍祠五畤獲白麟以薦上帝作白麟之歌而司  
馬遷班固書曰獲一角獸蓋麟去蓋之爲言疑之也夫獸而一  
角固麟矣二子何疑焉豈求之武帝而未見所以致麟者歟漢  
有一汲黯而武帝不能用乃以白麟赤鴈爲祥二子非疑之蓋



陋之也今先帝立法以任宗室之賢而主上虛已盡下求人如不及四方之符瑞皆抑而不聞此真獲麟者也麟固不求獲不垂而有是德与是形此麟之所病也今君學道觀妙澹泊自守以富貴爲浮雲而文章議論載其令名而馳之既有麟之病矣又可得逃乎敬字君德麟而爲之訴

暨陽葛君字序

王孝子補之

暨陽進士葛君命名曰研者蓋取易所謂所以研幾者也命字曰與幾者乃餘就其易之說也與幾之言曰始研之請也非持爲一字之區區實冀有以勉我也願更有告焉乃告之曰君子之孝至乎能成天下之務則神矣雖然非孝夫易以研夫所謂知幾者則不能也蓋易之道也有照虛實可以該而遠近高下皆可以徧故能極於三才性命變化之理道德之爲弊用之歸以見夫屈伸消長得喪損益之變而研之果不息於旦暮則自然知微知彰知柔知剛知隱於顯知小於大潛於天地之

窮而冥於其理照於秋毫之難見而默知其朕宛轉吉凶之際而每與吉俱周流險易之間而每與易會無已而為名則名成無已而為功則功立如此乃所謂能成天下之務而神者也昔者孔子弟子有顏回者自孟子以來有不可勝數之豪傑未有能過之者而回也纔可謂之庶幾於此孔子有不可勝數之德行以成天下之務而纔可以謂之知於此知於此則神矣尚曰有至神焉蓋至神者愈不可得而知也是則自從學之士子以望庶幾之顏回其度數相去如何其寥寥而自顏回以望知幾之孔子其度數相去又如何其寥寥矣乃曰尚有有心不可知之至神噫何其宏博高妙而不易至哉是以狹局淺量之世儒一聞其如此則恍然不知其何自以至而遂怠以止好高慕遠之脩士一聞其如此則躍然知其所以至者不過在我而愈厲以勤嗟夫彼世儒者其何尊也乃若脩士則其知之矣與幾年少而知敏其操筆為文辭則既美矣猶未肯恃此以止矻矻

執經以從先生長者質問大義而若余之鄙尚蒙其眷眷以不  
捨其殆有脩士之志也歟故余既與之綢繆往還而因字其名  
又推其說以勉之如此凡以喜其有脩士之志也

新刊 國朝二百名家名賢文粹卷第二百七十四

序

名字序二

六孫名字序

顏瀨先生

予三子伯曰遲仲曰适叔曰遜始各一子耳予年六十有五而  
三人各復一子於是予始六孫昔予兄子瞻命其諸孫皆以竹  
名故名遲之子長曰簡幼曰葉易曰乾以易知坤以簡能易則  
易知簡則易從易知則有親易從則有功有親則可久有功則  
可大可以則賢久之德可大則賢久之業故簡之字曰葉乾之  
策二百一十有六坤之策一百四十有四易之始未有策也文  
王演而重之然後策可見故策之字曰演适之子長曰簡幼曰  
葉書起於篆而究於隸史籀始篆篆隸皆成於添也故簡之字  
曰葉籀法也王良與嬖奚乘不獲一禽曰我為之範馳驅終日  
不獲一為之範遇一鴈而獲十我不貴與小人乘請許故範之

字曰錫遜之子長曰筠幼曰築子始得罪於朝而放於筠遜徙而筠生傳曰禮之於人如松栢之有心也如竹箭之有筠也皆其堅者也故筠之字曰堅孔子曰譬如爲山未成一簣止吾止也譬如平地雖覆一簣進吾往也爲山者必築前無所見則未成一簣而止苟有見矣則雖覆一簣而進進而不止雖山可成也故築之字曰進子蓋老矣而三子方壯將復有子而子不及見乎則已矣如猶及見焉則又將名之峽其長而示之使知名之之意焉可也

楊用之字序

淇水先生

心至獨也物至衆也聖賢以其心爲天下万物之用而未嘗有不足者是且何術也余能言之夫聖賢之心躬道而一正已而不動万物用我而是不用我而非万物莫不用我而我無心於應天下之用此其所以有餘而無之者歟今夫常人則不然運其一心之至役其耳目之聰明以應天下万物之變用未足而

吾之所所有者紛紛而病矣尚安能足天下之用耶請譬之于準  
準之爲器也天下之不平者皆待之而平者也準至獨也物至  
衆也以至獨待至衆其平常有餘而無不足者是何也我不隨  
物而動而萬物就我而取平故也然則準之爲用也與聖賢之  
術豈有異哉故欲治天下者莫大於自治欲自治者莫先於辨  
道而一正己而不動大哉術乎楊君名準求字於予予字之曰  
用之予以聖賢之術告楊君也楊君勉之哉君苟自治使其心  
端平徑正身可以爲天下用則楊君雖無意於爲天下用而天  
下用之矣

杜漸字序

廣陵先生

杜君山東士名漸少嗜學性澄淡不易語笑平居循循若不自  
足予與之交且三年不甚見其喜之與怒也一日探字於予歸  
作漸說以字之曰舉世奚不漸天地不漸也一分而求定也聖  
人不漸也自誠而明者也不午不中不望不豐日月亦以時而

然也覆霜而堅冰首夏而清和寒暑亦不即至一坯土之多一  
毫木之微山林之所以廣大也踟蹰行潦乘車而深積少而多  
江河之所以無量也呱呱而嬰爵貫而童華顛而班白人亦幼  
而後老也故飛而上者先卑走而遠者先近物理然也非聖人  
學亦有漸也無漸矣其至故日月寒暑天之有也山林河海地  
之有也有漸無不至飛走禽獸與人同也有漸有不至自止之  
也學亦飛走之匹有漸有不至戒之在止則長久而後見然其  
見也必至焉嗚呼哉請字曰子長辛聽之無忽河東王今序

江子靜字序

上官御史

友人江君以其名存之求字於余字之曰子靜夫天下之動以  
靜為主神以靜舍氣以靜充志以靜寧慮以靜明其靜有道得  
已則靜逐物則動以一人之身晝夜之氣呼吸出入未嘗異也  
然而或存或亡者動靜殊也後之學者其始學也既累於仕其  
仕也又累於進得之則樂失之則憂是憂樂係於進矣平旦而

起曰與事交合我則喜片我則怒是喜怒係於事矣且悅五聲  
目悅五色口悅五味鼻悅芳臭是愛欲係於物矣以眇然之身  
而所係如此行流轉徙日遷月化則平昔之所養者尚安能存  
耶喪其所有尚安能明在口之是非與夫在物之真偽哉故君  
子寧以辨道辨道以求性得性則靜靜則定定則明明則聖  
之來也吾無所增物之去也吾無所虧言復爲之欣喜愛惡而  
而累其真歟君齒少才銳學以待仕方且出而應物所謂靜以  
存性者不可不念也能得吾性不失其在已則何往而不適哉  
年月日某序

譚文初字序

西塘先生

天之初至高而已矣微日是寒暑風雷雨之行以神其化則  
徒高不能以自施而萬物之所資始者有所不大矣故日是寒  
暑是風雷雨之行此天之文也地之初至厚而已矣微山川陵  
谷原隰阪險之錯以重其變則徒厚不能以自育而万物之所



資生者有所不至矣故山川陵谷夷險之錯此地之文也天地  
之文固其自然然而未聞其所以文之者爲有以掩其初也唯  
人之文亦如此而已矣厥初巢穴之居毛血之茹無君臣上下  
器章彝則之設蓋朝野腥臊禮義墜圯人相爲類而與禽獸無  
擇也是以聖人惡其荒而懼其亂之不可已也故爲之仰觀千  
天俯察于地觀鳥獸之文與物之宜而制作焉爲之宮室以易  
其巢穴之居也爲之簞簋殽以易其毛血之茹也而民皆悅之而  
後爲之君臣父子夫婦兄弟朋友之別詩書禮樂政刑律度量  
衡之具進退辭受跪揖拜起跪舞之節有經有權有報有施蓋  
自伏羲至于堯舜歷夏商周而後大備焉孔子曰周監於二代  
郁郁乎文哉吾從周夫其歷數十君相去千餘祀然後有周之  
盛而傳之于今亦特其迹之可見者耳豈其所以迹哉若其所  
以跡者蓋與夫人偕來亦與之偕去矣父子之於親也君臣之  
於敬也夫婦之於義也兄弟之於愛也朋友之於信也是皆人

所不能以與我而我亦不能以與人者自盡其誠而已矣此之  
謂天資之善也誠內也文外也恃夫所以誠於內者以往而  
無其外此野人之道也恃夫所以文於外者以往而無其內此  
祝史之道也故曰質勝文則野文勝質則史然則人之初至善  
而已矣微君臣上下典章物則之設以經其政則從善而不能  
自治而萬物之所仰以安者有所不得矣故君臣上下典章物  
則之設此人之文也由是觀之天地人所以爲文者不同而所  
以文之者則一以文其初而已矣夫惟質勝文則野非佞文而  
任質也質勝而已矣文勝質則史非去質而尚文者也文勝  
而已矣文質之道不可相勝也况相滅耶是之謂文明而止故  
文有所起有所止文起於至質而止於人之誠相副而已惟至  
人然後能成於天循於故無以故滅命無以人滅天亦無以其  
成於天之命者而放夫循於人之故者天與人不相勝然後文  
不勝質不勝文文質相敵然後以之爲君父則堯舜之爲君父

也。以之爲君子則暴虐之爲君子也。故曰文質彬彬然後君子  
天然。後治上下合矣。天人和同。高卑之際而使之無間也。故曰星  
寒暑雲風雷雨得以順其道而天之施者以大也。山川陵谷  
原隰阪險得以安其德而地之育者以大也。君臣上下典章  
物則得以循其故而人之治者以之得也。天以之清地以之寧  
人以之成夫是之謂經緯之道。蓋曰天地設位而聖人成能者  
如此而已。大哉文乎其用足以爲君子之治而微妙玄深至於  
不可知之神也。其初則明君臣上下之分而終則經緯天地以  
成變化而行鬼神也。使文而忘其初猶之爲日星寒暑雲風雷  
雨之行而遺天也。無所麗矣。爲山川陵谷原隰阪險之錯而遺  
地也。無所附矣。無所附麗則無以自立而徒生成變化無窮如  
是哉。故至誠者人之所附麗而自亡者也可不務乎友人譚君  
名於君子人也。後所以鼓揚乎人文而非文之質者也。君固有  
其質而後以文之故吾字之以文初稱其德而已矣。若夫由文

鄉誠足以輔佐堯舜

知縣斯道

而已矣詩云物其有矣惟其時矣文初勉之

王勳字重民序

濟其先生

進士太原王勳文學士意在場屋前輩間或字白子功余改之  
曰重民蓋言王功曰勳而其事則民爲重也重民曰請極其義  
余曰周官所記列於今學官重民能習之雖然常試以所學於  
孟子者爲重民言而重民擇焉學之爲王者事一也而古者取  
於王之事近後世託於王之說遠故不同蓋孟子嘗曰保民而  
王至其言王道之始則特在於使民養生喪死無憾之間然而  
不王者未之有此取於王之學而近者也王莫先於仁義而爲  
莊子之言者曰仁義先王之遺虛止可以一宿事之破礪而後  
有舜仁義者不能救也此託於王之說而遠者也夫昔之所病  
儒者一師而俗異今爲孟子又爲莊子是二師也夫安得不離  
近易言遠難知則亦無惑乎士之皆託於遠以惑同而自誣不

悔也自荀子不好學又非之然其言曰道不過三代法不貳  
後王過則蕩實則不雅此兩君子者惟一師故不異而莊子而  
又甚焉曰鵲姑射之山有神人其塵垢糠粃猶將陶鑄堯舜故  
後生黃鼓讀論語未半帙而爭言堯舜之上皆洋洋滿意夫堯  
舜且不足道而王何足言王何足言而民亦安有哉以往論之  
彼衛鞅安知王不知對孝公談何等而孝公時時雖不應顧出  
而自若大者曰其志弗開悟矣哉顧重民反之抑夫子聖人所  
重民食喪祭聖人固為王不為霸豈以是為士苴而先之乎  
故王功曰勸民功曰庸而要聖人之所重者言之勸必自庸積  
此余所以字讀民之意也道有終始之序故昔之學射者不學  
射先學視學射者不學取先學趨夫論政於不飢不寒之間而  
計功於無思無為之際可謂知所先後矣抑重民博習強記其  
文詞浩浩非七月之間雨集而盈者其必決而注之海於從政  
何有而士或以其所趨愈鈍而笑之余亦所趨愈鈍有然譬夫

入室必自門始不可以躁也若夫子之墻數仞不得其門而入  
有人焉適立于巷驪而語其主曰官舍廣而室家之美不疑而大  
夸曰如此匪穿窬斯誑已其可哉大觀二年十二月序

李行之字字

陳了翁

古之好學者莫如顏子顏子之志願無施勞不以我之所不欲  
而施乎人以好逆而惡勞人情之所同逆則取之身勞則施之  
人推之於取捨之大安生而不然哉此顏子之所不忍而學者  
之所當思也於勞逸之際不忘克己聚之積之習之熟之則其  
於取捨之大豈有自私之過乎所謂一言而可以終身行之者  
亦曰己所不欲勿施於人吾友李君名恕請易其字字之曰行  
之推顏子無施之心由仲尼終身之訓無定術也在力行而已  
矣任重道遠非一朝一夕之事自強不息必終身焉可也孔子  
曰仁遠乎哉我欲仁斯仁至矣強恕而行其有不至者乎行之  
端靜好學子所畏也終身之所當行者願胥勉焉

程頤字序

芸閣先生

物之命於天未始有不善也如不失其養而盡其才則物物之美皆足以周天下之用而不乏今種禾於此播而覆之則同其待矣烜之以日潤之以雨露又同其養矣及其既熟猶有善不善之差則人事之功有不齊者矣賴禾之秀也前乎秀者苗也苟非耘不茂後乎秀者實也實非耘不美耘之功常施於未秀之初而收之已秀之末則苗也秀也實也耘之功何有哉亦去其害之者而已友人程君名頤既孤易之曰彥中一日告予曰已孤更名非禮也既不謹前廢吾先人之命雖悔猶可追也然古者冠而字之今遇其時矣而成人之名不可以無字願有諱焉予應之曰學者之爲己不如農功久矣如擇其害己者先時而力去之則所受於天者可得而有也閑邪存其誠則誠之不行邪害之也克己復禮爲仁則禮之未復已勝之也求誠而存求禮而復偃苗者不可也不耘苗亦不可也吾子尊命不吝以

過近於知矣是將有事乎耒耜之茂之以至于秀而不可已也  
則吾子有請且將安辭請字曰耒仲

李公弼字序

許默

天下之人孰不願爲材而卒至於不材孰不願有用而卒至於  
無用此其患在於慕望於外而不脩其中求之以立身之道彼  
其始輕視而不顧大言而自負有高世出人之念而若可以身  
任天下然其終或齟齬不違而及其達也亦不能遂至老身長  
子泯泯而無所立天下多如此吾切傷之蓋昔者君子仁人欲  
立其身於天下不憂上之人不任用於吾而憂吾才器不足以  
當夫任用日久淬勵操修勉強盡力致孝於庭闈之間親時於  
兄弟之際比附天下之賢人才士與之出處游從切磨其所未  
至相持以信相告以忠其孝友之行藹然著於閭門而忠信之  
德無愧於朋友而尤以爲未也博觀上世而周覽古今自窮乎四  
海之利病而心通乎万事之廢興仁義道德致君澤民之術充



文一百七十四  
七  
溢貫穿於胃中而地負視天下之事吾皆足以當之而無  
難且不敢汲汲求用於時何者道在已而求用於人吾知其修  
於已而已矣夫苟惟知修於已則所謂在已者吾處之宜無不  
才無用之惑也此原憲曾皙所以甘處於貧賤之中而閔子漆  
彫開所以不願仕於當世者非狷介自盡而亦懼其修之未至  
而不足當天下之士也今足下之名公弼其志在於用也夫廟  
堂之上計安天下以輔弼其君非有甚大之德業與過人之才  
器未易當此而足下詞章未可以任天下之事而願足下思吾  
前所陳者務以修飾其身請字曰仲修足下其勉之以副吾字  
足下之意

文安國字序

豫章先生

洹水文安國悅虎豹之文方雕其毛而澤於南山之霧雨將以  
希時文之恩致身為萬乘之器黃子字之曰子家而告之曰學  
若是也不及質蓋嘗與言其本雖物不同量吾不心化而欲奏

族庖之力是難壞其才者也事是君爲客悅安社稷以爲悅  
渴日月而求之四方其去道遠矣至於以詩禮發蒙疲於世故  
之追胥而反於家人藏器於戶甬收息至踵則萬物皆投戈而  
受命矣一人失家不免鄉曲笑天下失家恬以爲當然吾欲  
莊語恐以此得罪困於石據于蒺藜與不同量者爲有方者也  
虎兕出於柙龜玉毀於櫝中與不同量者爲無方者也此兩者  
同出於安而危之始也女巧組紃雖若雲漢衆雌而無雄者也  
故莫若歸求其本質之柔者能有功不爲則剛氣之弱者不從  
於無益則強知柔之剛者觀水知弱之強者觀弓弛以此嚮道  
大通四關而安樂以天下爲無略之域子之家也又安用建鼓  
而求之詩云子室翹翹子尾脩脩風雨所標搖未聞道之心照  
物不徹隨流而善理不倚則不立出故憂患之風雨能傾動人  
吾子勉之矣

師道陳氏懷璧運城字曰無已我琢為方乘之器維求王明我  
則是我其師道者印水而為波高明一路入自聖門觀已無已  
而我尚何存入以萬物寂寥法窟伏與用其律其入無底其出  
無寂是謂要妙意來陳子在汝後之人則不我敢知我觀方世  
未有困於母而食於舅嬾息巢於外舅無以昏書文章滿胆士  
之號窮屋瓦無壯造物者報而天無壁以為牖不病其傾維有  
德者能之

李德載字序

死丘先生

表弟李成甫名公輔告余以不安其字也求易之詩不夫乎其  
車既載乃棄爾輔載輪爾載將伯助子無棄爾輔負於爾輻屢  
顧爾僕不輪爾載夫車之所載或安焉或輪焉繫之於輔之棄  
與不棄而已則輔之於車功亦大矣雖然輔之於物有功於車  
而非車也考一車之物而輔不與焉然正六轡謹輪輻僕在前  
馬伏軌而輔不至則車不安登險而憂傾涉淖而憂濡視車中

之載如寄物焉且天下之物固有不相有而相須不可成而損成者豈獨輔也哉千金之裘成於工人之寸針南越之箭激於飛鳥之遺羽火蘊於石而金鼓之兵切於膚而甲鉅之故其在人則學是也夫學之於人非性之所素能也而性不得學則不明故夫子曰我非生而知之好古敏以求之夫人之於天者其道素具矣四端之於我非外鑠我者也堯舜之於塗人其本則一而已彼為是堯舜塗人之別者學不學異也性在已學在物目外而視之相去亦遠矣而堯跖由之物固不能無所待而獨成哉夫學有道道有序猶其序而積之者行而能遠涉而能高天下則鳥獸虫魚器材服物之理無不通中則調身正家治天下之業無不立上則達性命通死生官天地府萬物獨立於萬物之上而無與為侶而學庶乎至矣雖然有患勿心小而務大躡蹠而求至者五品心之友矣自燕之秦者必之晉自魯歷楚者必歷衛天下之所共由而不能越者也夫無見乎小而能明大與

不涉乎等而能速至者其可信也哉故保性以爲車力學以爲  
輔而載尔德焉則周流天下徜徉海外以求子所欲其有不得  
者乎子以德載易之

新刊 國朝二百家名賢文粹卷第一百七十四

新刊國朝二百家名賢文粹卷第一百七十五

序

名字序三

張覺夫字序

姑溪居士

自形而下者言之高者以曰山深者必曰海謂山高幾尺海深幾丈則未免於億計要之然不出於度量則捨尺與丈何適乎至於錙銖毫釐不差則安矣山果高幾尺海果深幾丈邪惟古人真積力久推其自得之學以就聖人之事業則未始不若合符聖人之事固不可以形論則終見之於形者以其器耳以形而論如山之高海之深猶謂之億計而聖人之事業乃如是是器不可以易也今夫曲直長短圓方大小置之安則安置之危則危左右上下唯吾所命此器之不易者誰不信哉伊尹新於有莘之野曰予天民之先覺也匹夫匹婦有不被堯舜之澤者如已推而納之溝中其自任以天下之重如此此其器也古

德之衰桀之不道入知其必亡猶就之就之而不售則去而之  
湯比五就而卒爲湯所用何哉非不知桀之不足與有爲也猶  
幸吾君之或能用我用我桀乃湯也湯非不知伊尹也亦五就  
而後用君子未嘗不謹未嘗不待時而後動知伊尹之必能相  
予弔民伐罪亦必至於五而後用既用矣蓋首所待也其後泉  
咸有一德克享天心遂濟其美以成其事業則其自任之重得  
不謂之若合符節邪非獨伊尹也凡學者莫不由此故曰學之  
爲王者事其已久矣堯舜禹湯文武汲汲仲尼皇皇其已久矣  
學不爲王者事不得謂之學秦陵張君仲先字覺夫以其名問  
其字於余余以是告之覺夫明爽高秀雖在場屋而不專爲場  
屋之學旁探密取自殖物而名之將種種皆入吾用而後已家  
世以文章行義表見士大夫間零陵之隰海外率知之而覺夫  
乃資其天得以負荷家之傳故擴而達之以見於事業則夫名  
之所因字之所訓其可得而已耶苟不已矣則伊尹之志其遠

哉勉之余將拭目以俟崇寧五年五月二十八日世溪居士序

侯孟字夫序

馬學士

侯君名孟字夫求子寔字之說餘不得其意而謂之曰君以夫字孟者豈慕灌將軍仲孺之爲人耶君以孟自名者豈慕劇盜俠之爲人耶二子非全入儒生德士之所諱道也余謂人各有所長甚非一介淺淺之所知推鋒陷堅決死離敵名聞三軍勇冠天下不喜諂諛而重然諾此灌將軍之所長也剛橫不遜果敢犯上使氣孟酒之間乃其短耳吳楚起兵而向京師大將軍得之則知諸侯之無能焉使諸侯得則大將軍必以爲憂一人之身爲兩軍之輕重此劇盜俠之所長也起匹夫之私不顧國家公議乃其短耳吾欲別去二子之所短而取其長持以贈君幸君無辭而受之可乎余與孟同鄉相悉也知孟之爲人氣直而貞質行方而言謹與人要約勇於必信故喜取天下之偉士爲孟敷揚而稱導之雖然余因孟切有所感矣今孟乃趙人也



古稱燕趙多慷慨謀略之士吾欲登大行之顛遊邯鄲之道觀  
井陘常霍之險放聲而悲歌大醉而起舞劍鳴腰間精傍射出  
庶幾乎意氣必有感者恨以羈留未能也孟若還故鄉千萬爲  
我道此言囊中之雖頓脫而立見者其誰乎賣漿之間屠博之  
肆尚有昔時傲放之吏者乎廉藺奢牧亦有遺種可以將兵者  
乎其舊態尚在幸爲望燕山之故雲梯易水之悲風執腕乎  
沙漠之北此亦可以動心否

俞荅明字晉叔存

同前

日月星斗之明非不燁也天下不以爲驚水函太虛澄破幽室  
非不熒徹也天下不以爲驚物之抱負靈靈而藏於深谿塵壤  
之中寂寞之境抑遏拂鬱終不可設而特吐火經衝射天地天  
下之人殆驚以爲神奇善友乃江南豫章人也請以豐城大嶽  
之事爲君道牛斗之間江漢之表昔時有異氣虹光氤氲盤薄  
交橫杓端而奪之色此龍泉大阿之精也龍泉大阿天下之神

劍也固當波浮雲截流波刺虎南山陰蛟長橋成邊飛塵河曲  
有驚掃戎王之庭斬佞臣之首提携四顧問天下事誰有不平  
者乎此劍之得志而遇英雄之人壯烈之士取決於一時也今  
沉屈而在敗軍重鎬之下是其氣不得不暴發而憤發非以耀  
世也乃其不可遏有如此者耳嗚呼士君子待志而在廊廟之  
上事業昭著天下之人以爲當然不以爲驚至於懷負利器鬱  
鬱而不得洩時因感激乃見芒刃故其可喜可惡者多發於窮  
時吾友自弱冠之時已能飛步上庠取聲名於場屋中今已及  
壯矣其間坎輅就堦前跋後蹙其躍也若有礙之其嘆也若有  
鍾之豈非大欲大盛然而使之發精悍也予雖愚弱不盡前日  
執事相許以友又謂曰子其字我而併序其意敢取舊劍銘之  
之舊事聊以相感君其自勵勵無則于眾子將見張雷掃蕩之  
士有爲累金拔者矣又特見西山北嶺之高華陰之英有以拂  
拭君者矣煌煌輝輝奪人精爽其見有日矣晉之象曰君子以

自聖明德惟自昭而進不可掩故字彥明以晉叔云

漢嘉楊循秀才字序

王賢良

顏淵有言仰之彌高鑽之彌堅瞻之在前忽然在後夫子循循然善誘人蓋道有小有正變學之者自小以及大自正以及變然不可以遽至必有叙而後進之引之以至於其極而後已所謂循循然善誘人也孔子既於陳蔡召弟子而問之顏淵曰不容何患不容然後見君子夫子與之已而曰從我於陳蔡者皆不及門不曰仰之彌高乎子曰衣赧緼袍與衣狐貉者立而不耻者其由也歟不伐不求何用不減子路終身誦之子曰是道也何足以臧不曰鑽之彌堅乎佛肱召子欲往子路曰昔聞諸夫子親於其身爲不善者不入如之何子之往也不曰瞻之在前忽然在後乎回之不容何患其心固善矣不容然後見君子則必有見而後樂也道無外也必待有見而後樂是未之見者不樂也

亦足矣此特忘物而志於道可也其於得道而存物未能也故  
曰何足以減不善者不以爲君子言也至於忍入則不然蓋  
有恃而爲之者矣磨礱不磷涅之不緇安往而不可哉弟子之  
求夫子期於前也不知夫子之及後也蓋有所恃也彼能得其  
所持必不正也雖變可爲也是皆有之以至其極而後已也昔  
孔子之教人必循而後進之後之學孔子者亦必循而後進可  
也楊君名循求字於餘字之曰伯成蓋權利之不能傾也群衆  
之不能移也天下之不能蕩也夫是之謂德操德操然後能定  
然後能應夫是之謂成人此道之極也不循無以至焉

諸子名字說

玉臺先生

積善之家必有余慶積不善之家必受其殃薄而壞酒薄而酸未  
有厚而非善者也未有薄而非不善者也積乎汝宜擇哉故字  
積曰伯厚書曰若稽田既勤敷苗惟其陳修惟厥疆畝稽乎乃  
以常學而仕矣稽田敷苗之譬也藝而飲之則以望其故也稽

曰伯藝人有禮則安無禮則危書曰天秩有禮禮者人之大常也秩乎幸懼故之不由禮也故字秩曰伯常之子曰柔弱者生之徒也又曰物壯則老是謂不道孤臣孽子心危慮深故達善用弱者也釋乎汝余兄貴腹字也故字釋曰仲孺子生穠十五年而生稠何其艱哉畢方之姓仕也遇屯之比人其必苦昌魏之子孫衆多且大蓋自乃始稠平子茲審矣故名稠字仲方而爲之說云

史見可字後說

同前

史君名紹舊字見素師安禮易之曰見可其說以性天之照於學術酬酢進退之間能見其可以至其不可其未乃及孔子之無可無不可不執一見以明君子之權焉呼盡之矣然予於此竊有疑焉故廣其說且學術必正酬酢必理進退必義所謂見可者見此而已而酬酢進退二者之可又先在乎學術正焉立夫天地之間無不可者然酬酢進退有迹則見可不可易辨

術有道則見可不可難酬酢理不可焉則遭變事而不知其權  
守經事而不知其宜進退義不可焉則進爲干利退爲求名故  
曰易見若夫學術由堯舜禹湯文武周公孔子者爲正非堯舜  
禹湯文武周公孔子者爲不正而有蔽人焉竊其近似者以爲  
正言僞而辯足以亂真順非而澤足以徇是上以惑惑人主下  
以鼓動流俗舉天下皆從之而莫知其不正此孔孟之所謂鄉  
原而子思之所謂無忌憚者故曰難見中庸曰爵祿可辭也曰  
可蹈也中者不可能也爵祿可辭君子有時乎不辭不以爲  
貪白刃可蹈君子有時乎不蹈不以爲畏蓋以求合乎中庸而  
不爲苟難也小人亦不辭爵祿不蹈白刃竊中庸之名而其實  
則貪且畏也孔子之無可無不可與所謂權者皆君子之中庸  
而小人則似之而非也夫能持君子之正而後可以行君子之  
權人必先能立而後能步能驟正者其立也權者其步驟也未  
能立而能步驟者吾未之聞也意學術之不正而曰吾所學則

孔子無可也無不可也權也此茲人求售其邪說而以適己自便也予之所憂者此也見可其亦難之

張光祖改名字盪之序

龍溪先生

古之言立功名者必曰才與識然處之以貧賤則歉然而不滿引之以投重委難之地則辭然而不釋及其得富貴則又酌然無以容之也如是而能引重致遠者寡矣然則功名豈才與識之所能獨濟乎蓋才能用於有為而不用於所不為識能用於有見而不能用於所不見至於深沉宏大非淺中能窺識者其唯量乎然天下之量固相遠矣陰陽水旱不為之消長風濤潮沒不為之動搖縱納百川不為之變者海之為量而無所待者也虛焉則歛滿焉則覆中焉則正者器之為量而無所待者也然量之有所待者能慎而持之則無所待者可以循而至其所以待者然有道乎養之以氣而鉅其驕節之以禮而鳴其謙蓋將有大者焉孔子曰君子不可小知而可大受也小人不

本受而可小知孟子曰至大至剛以直養而無害以我之浩然而使在彼者莫能挹何往而不可受哉非孟子之至剛大不能爲孔子之大受受大者其在於既盈之際乎乃若夫至大者則自善持積之而已故志功名者不可不學也蔡源張君從子游秀整可喜求更其名故名之曰大盈字持之而告之以量之說

何渠字序

一陵陽先生

何議郎有三子伯以儒術有聲士大夫間仲爲從官天子器之獨季未冠未仕求名於余余與議郎居同里又同姓義不得辭於是卜日選時以渠名之以文度字之又告之曰若知渠之說乎古之君子將有言也將有行也必先立渠焉然後從事日夜忖度於心曰吾言吾行得無不合於渠乎幸而合則謹守之不欺斯頂離也故言有物而行有藝至其久也縱口之所言任意之所行不與渠期而自合矣仲尼不踰矩用此道也後世君子不然曰言無有不善行無有不純尚安以渠爲哉不知有人焉



陰持古人之集量其所不合以竊議其後未六七十而踰知矣  
此聖狂之辨也蓋梓人之爲大屋置於堵不盈尺而曲盡其制  
問其所操持則繩尺而已梓人之集吾之所謂也集乎桀乎小  
人所謹君子之所畏乎審能行之則無愧乎文度矣癸卯歲五  
月九日

獻猷二姪字序

曲肱先生

十四兄名其子曰猷而十七兄之子曰猷使其爲之字其自願  
在宗鄣中最無肖以兩兄命之嚴而不敢辭惟我祖少師忠孝  
立朝名在史簡諸父克繼以大家聲十一叔父爵不酬德壽不  
報善然有六子以壯門戶十四兄著書立言可以垂世千戈之  
間市利捐義經術盡廢人稱爲速化兄獨開明吉人相守十七兄  
澹然無營名教自樂無幾所謂善人長者附炎背涼趣有謂無  
彼不自愧謂我弗強君子耻之咨尔猷與猷予非侈宗以私  
于祖若父與兄里評清議予言寔公尔知名若之意乎自昔加

於名諡曰猷古賢之謂也凡經所謂猷謀而當於道也兩言之  
亦謀也亦道也二子不必遠慕古人旁鑿其議能如尔父之賢  
以光其先無愧於猷矣字曰載賢能如尔父之安貧守道履踐  
家法无愧於猷矣字曰善道惟猷識慮清明猷志氣剛重名實  
歸之子將尔責其慎其戒謹尔名字聞善吾求聞謗吾修藥石  
可喜好必勝已遠仁无師數書无業晧甚近禍敵辱收然叛賢  
離道為名字者紹興八年九月丁未日書

孟聲遠字序

橫浦先生

紹興庚申余謫守邵陽汴人孟鏗寄為推官餘後過其室議公  
事見其詩書通悉為字間極靜素余心愛之退而詢其性行或  
以告曰不事歸不並輩廉介素雅不与人往還每歸金瓶水炉  
香肅然如老比丘也未七八十日間余乃以夏去余如苦舍  
卒拊心泣血不復知人間事服除歸懷然訪余於海昌余受其  
不忘余也乃問之曰子學佛乎曰否乎好黃老學乎曰不忘則

胡爲不娶不如輩也曰性不樂非有它余曰學所以明人倫  
聖莫如堯舜周孔而娶而如輩子欲何爲乎人倫之大莫大於  
三綱而夫婦居其一其可忽諸子其初心從吾聖人之道直情  
徑行非吾門所責亦豈余所望於子哉性曰諾謹受教後十年  
經爲廬陵幕官又訪余於橫浦曰性已娶矣曰如輩矣歎與之  
接議論極有思致余愛之有加焉後遣記問寒溫輒字之曰声  
遠蓋因其名以取義也書來問余所以字之之意余答之曰天  
聲之遠者必有其實也是以君子疾沒世而名不稱非好名也  
忠實之不充也何謂實不愧屋漏不欺閭室以此治心修己以  
此正家爲國以此佐天子平天下直聖人閭域中者實也若乃  
激揚名聲互相提拂以爲驚世駭俗之具非余所聞於師者孟  
子曰其涸也可立而待也夫何遠之有子爲謹諸紹興癸酉清  
明日范陽張某序

農人治田有耕有耨耕所以起土膏也耨所以除莠草也而土膏以滋之元西草以害之則苗勃然而興矣千倉萬箱以享終歲之司焉君子爲學猶治田也始則耕以養其元中則耨以端其本終則治身齊家治天下無不得其所焉王大夫名其子曰耕曰耨曰請余字之余并辭而不獲也乃字耕曰養元耨曰端本焉呼耕字志云所養字耨字無害其本乎儻念念于是則大天所以名余所以字者不妄矣不則余何敢言

艮損二子名序

白雲先生

開封陳栢獨秀業進士之暇頗嗜古學以先人師事伊川先生聞其風而悅之意雖當有聞者見礼甚厚無以塞命乃告以先人嘗爲易與中庸之卒時獨秀方得之因小字曰易蓋誓堅其志於易也後數年不雅以二子字易者能拜復誦書幼方乳哺屬雅取名於易不得辭雅乃名其長曰艮字伯時次曰損字仲脩大抵學者不過二道艮損是已孟子有言曰又有雞犬也則

知求之有放心而不知求學問之道無他求之放心而已矣夫  
有放心者蓋不知良之所謂止也知良之止則不獲其身不見  
其人安知所謂放心也哉借使不能早辨遂至於放而失赤子  
之心此聖人所以有貴於損也損之象曰君子以懲忿窒欲夫  
目忿欲而言則心之所以放者忿欲也赤子之心所以失者亦  
忿欲也懲而窒之則無放与失矣是損其放而不爲放損其失  
而不爲失故損象之中亦具止義學者不有止於良必有窒於  
損則無孟子所謂有放心而不知求者矣且伊川先生聞道於  
周茂叔先生者良也先人始聞於伊川先生者亦良也雍之聞  
於先人者良也所以告獨秀者亦良也故以良爲先然六十四  
卦必先自得其一然後類可通此來獨秀論易於損有言得  
故知公之易當自損始乃以損次之必至動靜不失其時則良  
道盡損德之脩則損道立是以良莫大於時時而後有用損美  
急於脩脩而後得益雍喪病如此不復見二今子成名獨秀以

義方冠之他時不負吾二人今日之言善也紹興庚戌歲四月朔河南郭雍序

程孝嚴字序

洪內翰

世塚程君移忠字曰孝嚴謂其子洪邁景廬曰吾我是說蓮拱而言曰自有生人以來至于今不知其幾千歲所謂忠孝三道如天知日章草木可檢死舜禹湯文武周公以治斯民以紹後世日用而不自知者舉不出此蓋吾與子服膺簡冊脅脅而落雖頃刻不敢解其何說之爲雖然吾嘗聞之矣孝嚴先大夫病有醫不肯仕不解帶直床不下者七年既卒哭泣盡藏有豐而無殺三女弟惓惓撰壻惟恐不足稱其日嚴膝下之道蓋未嘗少分於生死間苟移此心以服事公上他日明詔一下求忠臣於孝子之門者非吾子而誰子勉之孝嚴方謝不敏而子書以爲序

新刊

藏書

二日家名賢之粹卷第二百七

十一

新刊 國朝二百名家賢文粹卷第一百七十五

雜文

賦一

聲賦并序

張忠定公

聲賦之作豈拘模限韻春雷秋雪之為事也蓋取諸自然  
之文王化之卒苟一所補不愧空言南賦由

罔象迷冥大父忽生混沌初竅呀然震驚一儀吐形萬靈吐英  
天機動制車而為聲故形有美惡焉聲有大小焉伊物類之動  
作俟人事而為全至于大雷隱空萬竅吼風不為之隆巨物磨  
臬羽足動發不為之末末若人聲為天通功為物長雄口吻之  
啓義長厥躬道機之張騰凌為濛其所聞者義黃唐虞奚繼踵而  
至宇宙臨其神造化俾其智在聲之偉也得不回天而動地觀  
其得一之發清清冷冷涼寒洗瀛方類聽之如瞶而醒仁信之  
隱濤濤澎湃呼道振德方類聽之如日破黑曰孔曰義相此而



起機聲響悽愴心清耳力類聽之如於得喜廣成五老聞而啓  
曰是何希貴之聲也如此九道交訛華夷和歌奮動鼻息  
自是多其在物也昭昭顯顯方緣和同乃類響登答天之功其  
在人也乃心氣平方口宣騰雲問六英答君之聲故知五音八  
聲之技狀金石絲竹聲之器狀若本不正而聲不齊有何嘗動  
天地泣鬼神而有諸三王迭生異業同聲唱古寡應呼今得精  
儀事以之繁會持風為之助清作礼者有周旋之矩制樂者有  
大武之名故聖人之音鏗如鎗金聖人之治濶若流水加以商  
辛夏癸行无輟動情然沸空繄娃盈耳民不知告政聲遠毀幽  
厲疑作心胡可度唱辭者輕脫和偽者又錯鼓鉦之響日馳禮  
義之風日薄王道民政潰然投斂政乎土國之音聚為終身之  
樂秦恒一聲天搖地坑烘赫火烈荒茫海傾阿房蠶林拚臬山  
回紫塞繁囂會真轉震雷鉗聖愚儒四海睽孤刳剝亡命痛腦連  
膺於是民失其業怨口咄咄野薄其業荆榛鵬風刑失其矩民

哀無所失填委死爲怨鬼故怨之爲氣也散爲飄塵積爲屯  
雲開鬱六合陽靈不暝怨之爲聲也裂風相倚怒濤兼起鬼哭  
於郊神號於市川谷爲之聞擊山巖以之崩圯陳良一呼而宗  
社瓦毀天窮地終醜聲不已泊于漢唐惟高與光太宗續堯開  
元嗣皇皆智冠絕古氣凌異蒼倚天憑遠即動盪於八荒按劍  
大呼即交映於中央惜力者黎獻助聲者賢良亦不能廣仁義  
於邇表使道德之擊楊播而養之餘韻不復震之聲芳者也未  
若我方凝神定思誠求理致與聖作則爲難於易惟禮是崇惟  
仁是寶叩乎杳冥清淨以聽聞古謬惑皇心不平於以忠良是  
涯息嗟吁之聲不肖是黜息寢謫之聲均物惻隱息哀怨之聲  
厚地薄斂息流亡之聲四人是別息澆競之聲怪犴是理息寃  
枉之聲道德是守息兵革之聲人勞是恤息彫琢之聲小人是  
遠息邪佞之聲正音是奏息滯滯之聲奇哉壯矣堯舜舜致  
管護之調下覺唐堯之頌輕浩浩蕩蕩無得而名謂之襲也楊

益昭灼於上賢、愚既歎且謹焉、獸陸陸焉、虺踴踴焉、下其於  
一時與有生而同樂、余欲引登而作、未知何若、

諸葛臥龍賦

田諫議

大將威漢天下、大亂英雄競起、以圖霸豪、傑爭馳於良、筭江東  
有孫權之強、樂關中有曹操之勇、悍唯蜀邦之險阻、什劉璋之  
闇懦、伊東海之徐庶、薦孔明於先主、其人自比於管、樂其迹尚  
耕於壟、畝負霸王之大略、每謳歌於梁父、可以屈就、難以邀取  
若應龍之卧洲泉、俟良時以爲風雨、雖冥主之得豹、縱觀君之  
若虎、僅獲斯人、以爲用、可以爭強於中土、劉備乃往、請南陽雄  
圖、仰揚功業、稽遲而贊、非旌旗侍從、必蒼遶豈徒貴立、園聘珥  
璋實欲尊之爲謀主、而制敵貴之爲尚父、而圖王一之日驟欲  
復其閭、有其牆、殊不知龍若千里之迢迢、浩如重泉之汪洋、人  
在其外、如鱸如鮪、如魴如魴、不敢游其窟宅、不敢漾其輝光、乃  
退而歎曰、信先生之道也、如龍之方卧也、二之日、閱其戶、聞其

人人雖觀而難趨迹雖邇而難親自覺其門若河若海若潭若  
津不得見其最靈不得測其至神又退而歎曰信先生之德也  
如龍之未易識也三之日外其堂入其室仁下森植義櫓駢比  
疑波神待衛而汹涌謂水怪環周而蹴踏見其以道為蹤以德  
為迹以文為鱗而彬彬以武為鱗而奕奕將侔夏后河漢可仰  
以天飛尚類葉公憲牖初闢其藻質我於是以允忱為雨以巽  
順為風動其僦儻載其英雄遂慷慨交摟而崛起以縱橫等略  
而相從亮之遇先主也若龍之得水備之得先生也若雲之從  
龍所以躍於吳騷於蜀帝王其心日月其目張飛關羽為吾之  
股肱趙雲龐統為吾之爪足金鼓為雷霆之威甲兵為風雨之  
速旌旗為飛騰而常舒鈇鉞為逆鱗而難觸前則飲於渭水後  
猶蟠於斜谷觀其奮自于魏拖尾于吳將欲騰躍於秦京與鎬  
京窟宅於東都與西都然後以燕趙齊魏為河海以荆襄楚越  
為江湖故得囊中波駭海內鼎沸焉起韓遂之流衣紹呂山之

類若蛟螭奔走而喪膽比魚鼈沈潛而屏氣豈謂天賜吳以斗  
牛之分賜魏以咸鎬之國賜我以坤維之地俾我與鼎分之城  
既天命之所授豈久謀之能克漢江沱江亦足宅其西南梁山  
劔山亦足門其東北方欲修其德述其職將上請於闔閭與下  
并於華夷變三分之國為一國變漢水之池為天池復火德之  
世祚續炎精之絕離俄而上帝有命碧落三帛劍神攀麟以何  
及誰周仰首以無依世靈其神敵曜其威揚儀鳴鼓以震恐晉  
宣夜膽以奔馳至今岐山之側渭水之涯南陽之草木西土之  
湯陲或烈風之飄飄或暴雨之淋漓猶疑其蛟螭在晦而陰騰  
是司觀陣圖者見其規畫讀國史者想其形儀信奇士之遇主  
實千載之一時春秋曰以龍紀官言曰為龍為光以臺臺夜宜

有物混成賦

王文正公

妙物難模先天有諸者自無名之始生乎立極之初不縮不盈  
賦象寧窮於廣狹匪彫匪斲流形罔滯於盈虛原夫未辨兩儀

中含四象雖欲非於形質曾莫知夫影響問其纖而莫得自契  
歷渾考上下以都忘孰分天壤及夫大璞將散三光欲萌清濁  
待茲而一判昏明由是以相生然後品彙咸觀用作有形之始  
溥和敷設或知至道之精是何小不隱乎纖介大不充於衆海  
配一氣以真運亘終古而斯在縱陰陽之推盪我質難移任變  
化之紛紜斯形不改豈不以有者具有之空物者生物之先真  
搜而非朕斯顯寂聽而音容莫傳得我之小者散而為草木得  
我之大者聚而為山川視焉且無訝深蟠於厚地搏之不得疑  
上極於高天本自強名誠難取類其始也本出无而入有其終  
也亦規天而矩地既不能指掌而窺又不可因人而致明君躬  
之而成化則所謂無為而為君子執之而立身亦同夫不器之  
器無爰無側神之聽之諒潛形於恍惚實變化於希夷傾毀何  
由固秉持之在我剛柔有弊將用捨以隨時今我石掌握道樞  
恢張天紀將窮理以盡性思反古而復始魏魏乎執大象而撫

域中達妙有之深旨

天禧觀禮賦

楊文公

客有朝臣曰夫飄飄之氣能賦可為於大夫蕩蕩之道不談見  
嗤於樵采當今景炎震赫休嘉翕習禮有同節會無後至容典  
寢盛臨諡載路子嘗奏伎於玉堂之署方司籍於道家之山智  
効乎官聯隸業乎雅頌烏可後遇雲之杼嘆怙游夏之措辭哉  
臣應之曰大明分中瑩燦息照廣樂合變色飲絕響皇上躬  
潛明之德採述作之興堯文惟煥禹聲為律三變以至於妙道  
群臣絕望於清光而敢飾枯槁之姿呈露於仁壽持瓠觚之質  
唐突於均璫斯固不知量而任其責矣臣曰不然海以善下故  
號為至山匪護塵爰配於天極堦離雜奏亦外於樂府沼沚纖  
植尚參於廟薦釋官之說列于廣內之藏游董之謳備於清夜  
之誦蓋各言志斯為樂職亦奚畏於各耳臣應曰唯唯皇上御  
天下之二十載也守宇嘉靖斯民樂和邊庭卧鼓武庫包戈講

萬樞而俾人存彝倫而可歌南踰銅柱西亘金河北弥狼望東  
越解波四表之德咸被崇朝之澤匪頗錫嘉生於庶士均善養  
於中何張旃駕牡兮篤鄰好徇鐸舞千兮脩國教恆人隱兮如  
納於隍握道樞兮以觀其妙弛畧之惠兮洽于懷生非忝之馨  
芳外千有昊交感兮惟微蓋高兮必報先是景德之夕也宸闕  
靖真齋居繁清脩令乃慎觀書中程息偃寧處希微告徵猶蒼  
水之感禹夢同金人之翔漢庭戒期晤語錫瑞幽經專洗心而  
淳濯果頒文於紫清歟覽輿議屬國封事旌頭先馳王牒不祕  
采倪寬之節文述夷吾之所記陟阿閣之祔房追縱乎七十有  
二承統得天勒崇高世復以嗣歲詔蹕中興榮河發光靈坤制  
位西賓相歡遽車宿戒八奏外祇貳觴遺味醺粹格于清寧恩  
霈滄平膏髓伊明祭之並脩兮弥小心而抑畏罄宇多歡西清  
燕閒首志懷於赤水邈馳想於姑山至靈不測秘感無間同傳  
崑之夢寐芳駐列御以盤桓先期之庚甲申戒太一之威神下



觀坐乙帳兮岑寂望殊庭兮太息倏御氣以旁矣恍排雲而絕  
迹漿水枯涸甘旌霓路驛述百世之璿源系九清之霄極垂誨訓  
詩厥靈赫赫語秘方珠囊事傳兮金策稽尊祖之不憲兮享自  
天之純錫祗通洪應介福甚盛稽群言建徽稱達淵衷昭默定  
咎報貺之惟幾擇元辰而申命歷古習祥首祚居正講儀物而  
有容勵齋明而執競若夫紫虛定位星機宅粹典諸神之祕圖  
主九陽之生氣象先之蹟兮至寂而誰知魄寶之精兮常明而  
絕異總御人靈握司命紀強爲之名尊無與二惟靈簡綠文兮  
予以宣其音旨惟琳闕絳房兮予以象其奧祕謂大載之無聲  
兮其言大脩謂帝居之既遠兮其應孔迓皇哉監觀霄然戾止  
伊虛皇之錫祚兮瑞如山兮交委又如人皇興世天歷允歸誕  
熙刑馬之釐財厥分乎

嶼彰寢玉理標奇乘五精之雄運

流三百之英威外神翊化窮變通微奄九天而受職主赤符之  
貽基期九垓之汪漫兮文千年之令威挹浮丘之霞袂兮賡西

母之雲霓乘駟車於空漠提生籍於太微右序皇曆輔柱本支  
唯靈神之垂裕兮應如響而弗違非夫合德之淳懿凝殖之蕃  
熾積累之憑厚懷靈之尤異即何以恢恢大圓訖寓以昭夫願  
覬顯顯高真降格以敷乎明晦休徵叶景福同貞期啓精應通  
包衆志而惟一保大盈而若冲清心而欽翼錫類以豐融乃序  
建乎真闕以萃乎子民之勸功乃增飾乎壽壤以昭夫靈命之  
所從乃範金而攻玉侔昭像以致恭乃薦馨香而陳信載令申以  
無窮稽樞電之騰精式表乎號榮聲顯之所括咸列乎開闢  
置官局而寅奉著節物而有經恭默以玩衆妙而無極吉蠲  
用享監二代而作程味道之腴配天合符念美報之斯在必鴻  
名而與俱內以盡其志當罄其稱謂動以觀其變必包其美善  
夫天之稱有九易嘗不處其厚道之大居四易嘗不極其聖德清  
襟考宏議抽大猷研秘思疏滄以虛心登闕而立制粵若疑始  
混天盤古開先判一氣而有象裁方靈而既甄肇司符契

統紀鮮彼蒼之正色毛中黃而定位蘊妙樸以無名襲氣母而  
不匱絲絲若存皇皇而帝乘六龍以御天首庶物而出類蓋宵  
晨之凝命也茲可以撰德而比義又如濯濯炳靈効効諸精周  
游罔象出入凌兢翊帝宸而御辨宅天極以揚明乘十至正司  
人之命冒九域以顧臨保群生之安定大庇皇圖丕昭有慶冠  
衆真之上階祚卽世而惟永斯靈尊之蘊道也固可以淑芳而  
摘景於是建顯孚司至奧方底奉將楊庭誕告含生之聽惟新  
經禮之文再造刊以美瑜藉之采縑升龍綉裳回鸞象寶備物  
惟精奉珍咸造先時易紀元之稱順更端之道以天禧之告朝遵  
上辛之明教宿寢燕寧京室密清萬車九九以詣夫叢宵之庭  
必芬旣薦純嘏具瞻回螭再節歷重闥而徑五城還賸平恭館  
謁隸乎上靈官師相規徒御不驚藹曾宙而不覆淡淑氣而惟  
清天行弥健國容以成浹歡康於庶品騰英茂而莫京乃揆次  
辛習于肇裡追懷貽厥之盛奉承如在之神悟仙源之夙遠屬

景輿之下臻述宣乎懿鑠昭報平恩勤節宣惠以增号薦六室  
而同寅鑊秦豳豳荆珉龍旂耳耳鷺序振振上公奉璋以恭肅  
列聖在天而顧存殆齋輅之息駕飾壺人而警夜祗見宗枋躬  
奠樽俎倭然永懷禮无違者卜郊大報于國之陽樵蒸具設牲  
角無傷九賓之列濟濟公受之音洋洋百靈受於瑞記五時燭  
於神光官象物而罔忒大明畏而孔彰聖能尊唯德能讓於  
嘉壇之嶢嶢外高煙於沕陽對越之容有孚奔走之工無曠詠  
克誠之在茲垂億兆之攸仰旋雕軫御端闈儼天臨於兩觀縱  
堵觀於九達法雞星而肆赦漏蠅筆之先知雲油然而澤布蕭  
蓼被而露垂厯置之馬沃若園土之牢閔其固室家之無外戚  
相慶以惟熙疑辰旒負法屐呼鞭出乎東房委佩森乎文陛鏤  
金版以揚黉會紫庭而成禮就如日方方中戴如天方仰止執  
萬玉以相趨植九旗而有煒殆鳥獸之異類亦率舞而交至觀  
夫八狄六蠻之迷職四海九州之獻力荆楚謹包茅之供解虞

給守燎之役走計車而相望旅庭實而惟百列三恪而有容包  
十倫而爲式其助祭之尤盛也博士禮官之總領執秩司儀之  
辨等素青因革以或殊綿繇討論而先定金王條貫考摠宸衷  
粉澤彰施考參國政制上下以咸秩與天地而相並其講禮之  
得正也鳳蓋參麗狼狐逞威前清塵考夫畢密扶路考雷輶六  
駿駁考沛艾万虎賁考騶騎撫皇輿而進轍遵大道以甚夷此  
容衛之多儀也璽王溫澤齋犧博碩沛蘭之齊甘良蕝蕭肅之馨  
充格品百遷而旣豐列奇鼎而有翼嘉薦普淖以盡恭至神彤  
鄉而輔德此奠獻之成式也傳御咸暨官司靡勞或累葉珥貂  
而內侍或有客卓馬而來朝拱於蒼黃而匪備賓彼行而勿翼載  
軺之錫收洽陟降之容孔昭此庶工之不怙也藻衮象夫霄聲  
黻黼俟張弧而登舉中采茨以周旋奉河酌而沃盥步容珮以  
鳴鏜躬接神於紫幄之次如坐拜於交門之前此宸心之至虔  
也帷宮靚深輦庭赫敬受祭肅而在茲翕天祺而專享鴻禧日

以叙微瑕告愆而克廣介南山之壽藏濟大庭之怡暢茲福應  
之不爽也恩典旌鴻慶資均被沉貫索之星輝徧班觴於耆指  
室無幽而不燭民有瘼而皆弭將蒙士之瑕疵納群倫於物軌  
此渥惠之兼濟也原夫曆祚之永推炎漢以洎前唐載祀之久  
惟孝武逮於明皇當元鼎之際幸甘泉而祠泰畤奉郊以致禮  
且元符絕聞曷以昭夫天意洎天寶之歲尊金闕而造曲里傳  
宗而考瑞然真遊匪接奚以身乎道契自餘屑屑之習儀區區  
而脩慶或增置於巫史或但益於珪幣或祠官之所奉不可勝  
談或祀典之罔載成乎諂祭稽方冊以遐觀曾無足以擬議儒  
臣司禮祇承已事覩德容而悉同裁頌聲而弗墜系曰

皇天上帝宅高穹兮魏乎真祖序太宗兮剝璋錯寶施尊名兮  
麗牲醴水享衆靈兮鏗鍾舞箏神降格兮燔柴通火志淵塞兮  
紆軫旋衡澤沍濊兮備物典冊德明類兮深居蠖濩膺耆祐兮  
丕冒萬國躋富壽兮清淨致治臻元爲兮億萬斯年咸保宜兮

籍田賦

雷夏先生

臣謹案周制孟春之月天子親載耒耜躬耕籍田務本勸農之道也所以事天地山川社稷先古醴醑樂盛于是乎取之恭之至也自周德丕衰禮文殘缺故宣王之時有號公之諫秦皇定霸鮮克由禮漢祖隆興日不暇給孝文孝景至獲行焉昭帝弄田亦其義也後漢永平中明帝東巡耕于懷縣非古制焉魏氏親耕闕百官之禮蓋草創也晉侯太始之年略修墜典宋文元嘉之代亦舉舊章齊用丁亥之辰梁以建卯之月後魏北齊弘華有異隋朝唐室文物可觀太宗行之于前明皇繼之于後自茲已降廢而不行將煥先農必待真主皇家享國三十載陛下嗣位十四年武功已成文理已定乃下明詔耕于東郊禮也百執事是悅隨三農以之知勸禮官博士蹈舞而草儀甸師齊奏歌詠而供職長洲縣吏王禹偁聞而揚言曰耕籍之儀大矣哉千畝之田三推之禮所以教諸侯而事上帝率人力而成歲功

實邦國之彝章皇王之大禮昔潘安仁賦之于晉岑文本頌之  
于唐事美一時詰留千載今王道行矣王籍修矣玄功大業煥  
其有光宜昭頌聲以播樂府望闕拜手謹上籍田賦一章雖不  
足形容盛德亦賤巨勤拳之懇也其辭曰

王四年方帝業昭宣寰區晏然方順考於古道將躬耕籍田  
務本勸農稽前文而備矣事神教養舉墜典以行焉萬國歡心  
而懌懌百官供職以虔虔草儀注於聖代議訟章於遺編築壇  
墠之三陞開阡陌之百廬文物聲明合禮經而有度旌旗衣服  
應方色而不愆既而屆孟春擇元日太史先奏天子將出是月  
也適入徇路星鳥中律當東郊之迎春是東作之平秩皇帝于  
是即齋宮辟帝室戒錫鑾嚴敬言蹕乘青輅以有威儼朱紘  
而無逸佩平主也懸藜之色蒼蒼載其所焉千呂之聖辭蔚屬  
車負播殖之器後官屬種稂之實洪厯無疆服茲禮以陞離  
軌紆轅駕龍而飄歟太常之禮具舉司農辰之屬人率厥師掌



金鑿編罔以推嚴封人野廬設墻宮而靡失于國之東于官景  
從風伯清塵而習習雨師灑道以濛濛時也大德盛陽氣充春  
芒甲拆青書而夢茲春土脉起油油而溶溶冠蓋敬野圃環咽  
風狀浮雲兮隨龍旂幟張日車從塞空若衆星兮環紫宮修  
農事以惕惕龍養服之重重尔乃配少昊祀先農尸祝無愧巨  
篋以供大牢之牲薦之而肥腠太簇之樂奏之而春容于是修  
帝籍勞聖躬撫御耦以無意履遊場而有歌將偕乎丰畝之際  
豈止于數步之中耕鉤肩之弄田但矜兒戲修建康之王籍未  
煥農工有以見方乘之尊三堆而舍或五或九降殺之義有倫  
尔尔尔侯貴賤之班相亞齋夫灑種以斯畢庶人終畝而告罷  
千耦其耕喚乎禮成播百穀兮率人力歌載女兮揚頌聲將見乎  
餘糧棲畝腐粟如京神倉令納其禾黍以備乘虛義義氏收其  
穰穰用餉犧牲親畎畝兮化被重人天而教行自得訓農之資  
非負累古之名然後下親壇歸絳闕百姓知勸辭后咸賜在籍

之真音數震之音發無方壽兮歡呼奏九韶兮鏗越開三面之  
行惠有五刑而愼罰恩流於孝悌力田德被於雕題獠貊與五  
土之利固必躬而必親同三代之風尚不矜而不伐大矣哉籍  
田之禮豈三年而不爲躬耕之義將百代而可知我所以舉已  
墜之典立不刊之儀慮弗勤於四時將有皇居三時務農桑兮爲  
政本興禮樂兮爲教養民乃力穡歲無阻飢神農斷木之功我  
其彰矣后稷階時之利我得行之供巨邑以斯在介豐年而有  
期不顯事天之禮誕謠祈社之詩祀山川兮神鑒昭矣配祖考  
兮德馨遠而永錫純嘏用光孝思乃作頌曰倬彼東郊公田是  
闢大君戾止言耕其籍考籍既修爰及公侯親爾耒耜服尔田  
疇言采采稷祀于直立億萬斯年以永天休又曰倬彼東郊耕  
壇其崇大君戾止言訓其農農功既勗俾知榮辱示家以給尔  
人以足言奉蒸嘗遍于比屋億萬斯年以介景福

明堂賦

范文正公

臣聞明堂者天子布政之宮也在國之陽于巳之方廣大乎天  
地之象高明乎日月之章崇百王之大觀揭三宮之中央昭壯  
麗于神州宣英茂於皇猷頒金玉之宏度集人神之丕休故可  
祀先王以配上帝坐天子而朝諸侯者也粵自蒼黃開極黃靈  
耀德巢穴以革棟宇以植徽太古之弊明大壯之則風雨攸止  
宮室斯美將復崇高乎富貴之位統和乎天人之理乃聖大造  
明堂肇起明以清其居堂以高而視壁廊焉而四達殿巋焉而  
中峙禮以潔而儉必表之以茅教以清而流故環之以水暨二  
帝之述焉合五府而祭矣逮夫夏禮秩秩奉以世室商祀穆穆  
制以重屋神禹里宮階以一尺之崇成湯受命董以三尺之盛  
赫赫周室制度景彰七筵兮南北之廣九筵兮西東之長堂并  
包於五室室辨正於五方左青陽而右總章面明堂而背北堂  
雖然太室儼乎中黃都徽名之在南取盛德之向陽或謂厥堂  
惟一厥室惟九闕闔焉三十六戶疏達兮七十二牖亦規上而

天覆復矩上而坤厚近郊之宮廣而能受通天之宇高而弗偶  
八方象其幅員九陛參其前後相栢焉聽政之廟應宸而周章  
越越焉承天之柱列宿而相望環林兮蒞蒞圓海兮浹浹旣方  
舟而經梁復素飾其迴牆陳位序以有嚴議法象而必臧示邦  
域之景鑠其人神之樂康左有辟雍天子學宮墳籍浩以明備  
文物森其會同奉三壽以勗天下之孝設三之以勸諸侯之風  
右有靈臺庶民子來若經始於神明廼占候於昭回天之道也  
惟然歟以有象聖之心也蓋惕惕於庶災此三雍之大者故百  
世以欽哉若夫約周之禮而實夏之正天子外青陽之位辨大德  
之生彼相協謀有司奉行慶賜必均歷象必明布農事於隹直  
冒舞德於和平止伯益之伐本禁蚩尤之稱兵惟含廟乎賑天  
之窮惟幣帛乎禮邦之英無隱不彰無潛不耳蒙蕩蕩之至仁  
浸顯顯之醇精此明堂之春也萬物爲之榮又若災以繼天義  
以承日始千中品之管復于清宮之律天子乃登諸明堂暨夫

太室命盛樂以象德致大寧以祈寶祚高明而有豫定心氣而  
無殊靜耳目之事馳五穀之疾無索於閔無難於門止其伐之或  
以助養於生生道南風之和以飾喜於元元此明堂之夏也萬  
物爲之繁榮乃象止久位德王金行羽漸干以南嚮穀萬斯以  
西成天子乃居揲章之奧奏清商之聲圖有功而專任詰下義  
而但征脩法制以謹收藏之令養我老以惻搖落之情同我度  
量平予權衡人社以崇厚非民報本之志神倉以祕示万邦致  
孝之誠此明堂之秋也天下爲之清乃夫垂介時分虎威夕永  
詩人發其涼之詠日官負可愛之景天子乃北堂以居南面而  
省錫飲蒸之饗從祀寒之請於昇戒門閭備邊境勞三農於休  
息蠲言百等於恭靖開市必易官室必整無用之器斯徹無事之  
官必省勛國典久俟來歲之宜講武經以肅万邦之屏此明堂  
之冬也天下爲之靜斯乃順其時與物咸宜適其變使民不倦  
者也稽天宗祀之文大享之辰上儀乎皇皇盛節兮穆穆比於

外也我則取文之勝方夫廟也我則取質之純損益其禮尊賤  
其親五天之座雖嘩以陳五常之席亦弁而備惟太室之位西  
上帝之神作對者先生從祀者五臣博採雖離王幣華萃牲牢  
之舉既適於夏后疏菓之薦復本於周人禮無不當誠無不臻  
聖人於是出齊官而肅肅被法服而循循酌一獻以從質躬自  
拜以表寅司儀實相樂正徹賓進俎豆之吉燭羅篚簋之輪囷  
六樂咸在統美乎列皇八風相盪同和平大鈞下舞上歌蹈德  
詠仁非常之祭駁乃者萬國莫大之孝蟻懷者兆民於是神醉  
其德入樂而極太史書於策大夫頌於國頌曰明堂崇之明王  
祀之禮以成之樂以歌之光天之下教以化之若夫元初會同  
群后對越穆穆乎堯門之闢晰晰乎宣燄之發帝時特旦而久  
求衣以先紆黃組冠通天達日月服乾坤佩工將外崑崙進山  
嶽之圭當雲龍之軒正聖人之大寶示天下之有尊親親焉  
表而立濟濟焉辨色而入大幣正其等表九賓序其名級中階

之前三公於應門之外九采采焉階之東諸侯以同西階  
之西諸伯以階門東北面者子之位門西東上者男之次東  
門之外則有樂浪蟠木九夷之國西面而北上西門之外則有  
蒙汜太素六戎之屬南上而東向南門之外則有朱垠越裳八  
蠻之族唯北是望北門之外則有葷粥幽陵五狄之種唯東是  
向於是號號於進鏘鏘肆觀嚮明者蓋取諸離觀光者受之以  
晉君臣之位定禮樂之道振雅韶以奏文鐸以徇皆望雲而就  
日必歌堯而頌舜上和而下樂金聲而玉潤況乎晨光赫曦天  
顏弗遠冕紱兮霞集玉帛兮川歸盛乎王庭之聲明煥乎天家  
之光輝若北辰之會衆星威衆衆而在共如太陽之臨多露皆  
湛湛而將晞莫不君三揖于上臣載拜于下行典禮揚風雅訪  
雋良議窮寡人之易幽而獲益賢屬側而遺野予以盛名器于以  
休宗社著聖法於圓闕馳神教於方夏皇哉耀今首之榮觀至  
哉敷意兆之純嘏故曰揖讓而治天下者明堂之謂也惜乎三

代以還智者間間諸儒靡協議者喋喋而皆覺其增損忘禮樂  
之大本泥於廣狹嚴皇王之大業使朝廷注然有逾遠之嘆惘  
然有中輟之議殊不知五帝非公樂而與三王豈襲禮而至爲  
明堂之道不必尚其興行明堂之義不必盡其制滴道者與權  
忘象者得意大樂同天地之和豈匏竹而已矣大禮同天地之  
節豈簞豆之云尔自漢魏之下暨隋唐之際堂或三五之上道  
非三五之世蓋不取其厚而取其薄不得其大而得其細享配  
之文或然未分政教之列斯焉弗聞是則帝道之不施胡取乎  
總期皇德不隆胡取乎合宮故夫明堂之設也天子居之日慎  
日思思之何也萬微存乎消息慎之何也兆靈繫之安危由是  
惟克念以作聖思堯舜之齊名懼魏魏之弗逮迺孜孜於雞鳴  
唯至乎之休代思阜財於吾民懼四維之有艱尚瘡痍而百辛  
故聖人之寶儉弗下剝而上侈思寡費而薄索民庶幾于格趾  
惟下武之太寧亦省躬于于戈取諸豫於四方慨風雲以長歌



惟知又其古難思濟濟乎賢者蓋舉一於皇陶西連如於天下  
惟好生之至德思與物而爲春懼幽陋之靡及常咨命于仁人  
惟及人之一德始若晦而弥彰故三五之君子騰茂實而無疆  
惟皇極之大範思天下而與平懼万物之或差持我心於誠衡  
然後見天下齊於无弊和於無聲厖眉而壽吾何仁之有舍相  
而賡吾何力之爲但洲洲縣縣無反無偏漫溥澤以咸若樂鵠  
化於自然此明堂之道也蓋無德而稱焉我國家凝粹百靈薦  
馨三極東升煙於岱首西展琮於汾側未正天神之府以讓皇  
人之德祖考來格俟配天之儀諸侯入朝思助祭之職豈上聖  
之謙而愚目之感也巨請考列辟之明術塞處士之橫議約其  
制復其位儉不爲其陋奢不爲其肆斟酌乎三王擬議乎簡易展  
宗祀之禮正朝會之義廣明堂之妙道極真久之能事以至聖  
子神孫億千萬期登於斯念於斯受天之禧與天下宜而已乎

礪石門賦

井序

孫直講

孫子讀古書見有執邪以禦物設怪以防惡而終難其酷  
者乃知邪不勝正怪不勝德有自來矣故作礮石門賦

六國窮四海同周鼎飛秦業隆崑阿房之宮示皇都之雄壯揀  
彎睨周桓蠱秦盤盤焉爛爛焉有以磨曾骨而絳碧空斯呂既  
成君射攸寧尚欲邀上皇之難休慮蕭牆之變生乃曰有曩者慈  
石之擅奇彼金雖良此克止之氣感所及委同繫維發矟者無  
以遁其質割王者無以矜其績得非天假其靈神資其英俾其  
制至剛之凶伏至錚之形雖使穎若邪溪卓若鄧城尚安能挫  
舌之力回吾之精首磨之以爲戶諒雖使聶豫重作荆曹猶生  
則謀未施而力困隱未逞而器驚又安能過吾之門入吾之局  
設使楚人得之則堵也無毛遂之進吳王及之則魚也無專諸  
之刃千古未覺吾謀能獲足以斗碎凶膽塵飛蕙魄爰命良工  
載磨載龍鑿扇呀呀不日成功將使韓趙鋒鏖燕齊兵伍苟有  
動者困諸斯戶五嶺戈鋌義賊鈞戟苟有興者止于斯石笑傲

義皇有促禹湯書焉獨識舊章由是隨仁義翦苛酷玩賢  
燼書窮著使欲黎元未平吾吏有刑可殛可黜我狄未庭吾吏  
有兵可係可征火炎邦家狼噬豪瀛及夫忠良逋陰賊既彼門  
雖高不能止望夷之徒群雄叛眾民讎彼石雖奇不能制剗項  
之矛嗟乎哉皇王之區宇也戒其安去其殘雖土階之卑茅茨  
之微三苗格於舞干肆其荒用其強防若太行阻若羊腸二國  
終於隕亡況於石乎況於門乎而秦之治也逆天紐弛地維迷  
陰倒陽惟意所之而徒創異造怪搜珍設奇謂一石可以固國  
本雙闔可以閉亂基其滅亡也誰謂乎不宜吁天將使秦篤於  
禍極於凶為万世覆車之蹤知其蹤知兵凶貴乎聖乎

河清賦

夏文莊公

有客謂臣曰朝廷將祀汾南為民祈穀大河載清子陝之服子  
嘗聞其說而頌其異乎臣曰傳遽之吏罕聆朝議願客遽抱劄  
談開我以嘉瑞客曰唯唯蓋聞滔滔靈源發自崑崙導于積石

出于龍門懷砥柱而勢回插鉅鹿而派分三王先之於祭四瀆  
宗以爲尊千里而一曲濁流兮渾渾乘春則桃花競涌赴夏則  
竹箭爭奔若澄消而變色寔千祀而疇德爲中夏之經濟故其  
應有常通上天之絳河故其靈不測洎我國家秉皇圖宣帝力  
尊百神朝方國光明乎遐絕馨香平霄極禪去亭而廣厚玉簡  
既封祀汾睢而頌祇鸞旗未飭西入清候而望幸六官戒期而  
勵翼爰薦祉而炳靈灑澄波之湜湜徒觀其祥風盪蕩示煙蒙  
翬浮休氣於川上汎榮光於岸側失涵涌之黃流湛清冷之素  
液銀潢之影橫秋帝臺之漿映日江練初靜壺冰乍釋鑑秋毫  
及纖塵露金沙與銀礫神魚龍馬泳深淵而不隱紫闕朱宮精  
洪流而可觀合濟瀆兮安辨委淦瀕兮競碧石蠲自等於明水  
嘉號宜尊於清滌可以頌於廟式告元符贊於史以永太謨豈  
以夫蘭葉朱文涌黃靈之錄芝泥玉押迄帝媯之圖登夏子之  
觀魏晉漢唐之區區子孟獻議外廷上封公車請以水而紀官

以瑞而建元然後登歌而率舞豈非士大夫之職乎曰客知其  
其一未知其二上之功不可以方策載上之道不可以金石紀  
感通靡間於洪纖周流罔滯於形器六合而萬區肅穆而昌熾  
元符而景命紛綸而沸渭天地清而陰陽既序邊鄙清而干戈  
不試政教清而無遠弗懷刑罰清而有生咸遂道德爲休而神  
靈幽贊仁義爲祥而富壽攸暨禮樂爲符而上下昭假賢材爲  
瑞而中外允洽喬岳未分則三篇降汾祀將禱則真文至旁無  
垠而高無際充乎天而溢乎地蓋盛德之興大業也夫豈河清  
而已矣客於是色沮氣悸逡巡而退

雪賦

晏元獻公

元聖善謀時寒順之若六出之嘉貺乃玉精之所滋生積潤於重  
坊發萌生於右祇克肇陰陽之序用成天地之宜觀夫玄律行  
周愁雲亟積水陸司紀青女戴職駘屏翳兮消灑仗飛廉兮掃  
滌初曉曉以蓬勃慘森嚴而悄寂隨蟻蟻以汎汎徑扶茲而弄

開卡拂廡兮榮樹忽穿牕兮逗隙墜叢竹之厓簾燕窩兮之秀  
色委當穴以含垢赴波瀾而滅迹獸族麋兮休影鳥歸棲兮接  
翼原野漫其平義舒爲之雙匿晝黢霽以迷昏夕精熒兮誤  
晨導和氣於葭縠茁幽芳於荔芒晦金鑪之郁郁混縹瓦之鱗  
鱗疑月柱之飄蕩感星榆之糾紛酌凍醕兮杯蟻灑殘清歌兮  
眉栗頰拂紉袖兮多思照瓊顏兮有神尔乃遂館曾臺形埒紫  
闥聖壺之漏方耿程石之書未徹驚鉅砌之葱蘢訝綺疏之騷  
屑龍銜燭兮崑嶠鮫泣珠兮貝闕昇藻井之宛前奪斑題之皎  
月絮非柳以搖颺木先梅而鏤發旌馮豹之奏事納晏嬰之進  
說覆衾被兮目款忠出衣裘兮民感悅息黃竹之哀思略棘州  
之奇絕至如藻高繡戶金屋蘭堂或端居而憫默或慘別以悽  
傷調班姬之此物吟謝媼之臨章炳明燭兮蕭寂儼幽蘭兮抑  
楊雜風流之雅舞映拂額之殘粧織錦字兮途遠數瓊籤兮夜  
長玉爲田兮藍水銀作宮兮鯨海光歎川路兮難越念音塵兮

不忘又如葱極西遐龍城北距班晉鉞以命將約齊爪而遣戎  
伏甌脫兮窮徽望堯零兮薄暮如粲粲於林莽漸熾熾於隴路  
浮塞草以橫絕表積沙而徑度駭蜀幕之無色眩龍堆之失素  
秋漢節兮毛盡擊燕歌兮淚注生贖罪兮寶憲沒思歸兮溫序  
彈姑衍兮何日焚谷蠡兮未遇天山極目兮同縞崑崙亘空兮  
連蹕詠雅什之來思愴他鄉而永慕則有地分上下畝号南東  
競寸陰而昏作祀先嗇以勤農利銑鐸於平日飭畎畦於凜冬  
既漸瀝兮蠲渴復連翩兮降衷願躋足兮霑洽慶存瘥兮不逢  
觀盈尺之儲瑞識載塗之兆豐驗郭覆於阡陌辨蕉蘆於灌叢  
初見睨以消解遂膏腴而夜融蘭弱土兮彊畔漬原蒸兮種穰  
振穰穰以增氣沐臺登而動容賔其臨兮胥悅耦而耕兮必躬  
巾屨情民主符假守臨渙水之封域訪梁臺之苑囿玩珪屑之  
華楚感密榮之紛綵赧尸素兮重席寄歡康兮旨酒軫憫恩於  
天末續長謡於客右歌曰北風涼兮雲霰飛露同甘兮陽共晴

沿有蘋兮山有薇道攸長兮誰與歸

聖駕幸太學賦并序

文潞公

國家以靈宇昭泰元歲登平務恢儒風以章六藝獻皇帝  
乃備法駕幸于太學詔諸儒博士講論前典親臨聽焉臣  
獲逢休吉之期恭聞偉盛之事舞蹈不足形於賦詠誠不  
能述宣上德褒讚形容姑采樵夫之談以協擊鼓之韻尔  
詞曰

炎宋受命之四葉皇上御極之三年九有成若六合晏然黎庶  
磨千壽域文教燭乎水天朝無闕政野無遺賢九叙可歌而不  
素可官承式以惟虔刑罰幾增宿衛不愆荒景清夷而偃革狙  
橫深龍鼎而巢窟蹶蹙踰沙颶葉皆若有萬受纓請吏伏魏觀者  
且千碧塔文鉞之琛充仞乎儲邸黑章肉角之獸馴擾乎郊阡  
嘉祥薦集異瑞蟬聯天降甘露地出醴泉語鴻烈則起圖而溢  
際較盛時則繼後而光前宜乎優游當宁拱默承乾尚乃揚嚴



東而取朽思嘉謨而涉淵以為治國之道校鑒為先故周氏東  
膠往誥之所願商人右學來葉之以傳上既行則民胥效也君  
所令則臣必從焉雖平昔之已務在于今之益宜於是命有司  
消良日殺儀盛藏法駕乃出矣威穆穆國容皇皇采章煥爛和  
鑾鏘鏘太史協樂以前導天丙弭節而徐翔嚴羽衛歷康華在  
淡之都于國之陽神祇止運乃至于上庠宸心虔敬大歩高駘  
歷階逾闥親與窺堂晞將聖考有穆如之教兮相當然後題講  
室明典章纓綬並序巾卷大廊鉅儒碩生奉帙而在列禮官博  
士掌燭而詔王展東面之殊礼法西周之舊章禹黜弗審克聰  
益詳天子蓋言由茲而不昧震澤好問於是乎有光黼黻黼黻  
論于時間開相歡民靈胥喜扶老携弱自遠及邇莫不連踵而  
偃集駕肩而戾止悉雲委於墻門盡壅觀於壁水粵有華顛胡  
老董才冒子含經殊道之流方領高冠之士咸相與而言曰赫赫  
胥逐而大庭尚矣無得稱焉不可詳已自夫五帝而降三王之始

如書契可以傳聞憲章可以追擬悉皆恢雍洋之基至零阜之  
趾四術四教因是而興三行三德所由而走是豈醇化丕降至  
德逾美為萬世之所宗弥億載而卒比如合之後豈不足紀當  
途暑感與于淪弛南取島夷之譏北貽系虜之恥于戈於是日  
尋俎豆以之中比咸不永於卜世但肯循於覆轍遠乎有唐三  
維誕張五室之儀方絕而復嗣四郊之制今抑而復揚置亭于  
術建塾于鄉家知礼議民用和康所以卜年久而享國長號治  
古而振懿綱朱石之際龜聲國位覆云則曾不服給學校則識  
非擬議意大道不可以終否斯文不可以久墜故昊天命我  
太祖掃除僭偽作万方無墜炭之勞百姓有息肩之地三石繼  
明百祥還至展云岱之鴻儀紹元封之故事盛德大業固無與  
二今我皇上克奉先烈黃紹虞基斯元則天累洽重熙將使儒  
風宸盛文教日滋故乘輿親視於學俾億兆預覩其儀是鄒元  
鼎之間屢有甘泉之幸堪議延喜之際惟尚濯龍之福大然則

三代之風必能緩步而越矣兩漢之盛豈可並日而論之偉乎  
軌跡夷易文物燦然信千載而一時

新刊 國朝一百家名賢文粹卷第一百七十六